

小四海堂叢書

從吾所好

四

叢4
136
4



門 1 4
號 136
卷 4



嘉永庚戌鐫

從吾所好

簡堂藏版

卷之六

新堂藏書

從吾所好

詩集

從吾所好引

余嘗有詩曰磬鐘嵐蝕韻愈好鬚髮霜侵詩更真蓋
 人至知命姿貌摧而方寸瑩此瑩瑩中所出即真詩
 也故雖卓絕如八家其古色蔚然見天真者大抵係
 晚境作予就其中特取雅意相契者名曰從吾所好
 八家篇什甚富其傑作如柴登叡百韻及賴松諸長
 篇小賴皇朝詠史咸斥不收有類過廉然誠能細
 嚼真味則寥寥二百餘首亦足以滌盪習間數斗俗
 塵矣八家曰拙齋西山正士雅曰栗山柴邦彥彥輔
 曰二洲藤孝肇志尹曰茶山管晉帥禮卿曰杏坪賴

惟柔千祺曰慊堂松崎復明復曰山陽賴襄子成曰
淡窻廣建子基是皆非予師友則為父執而其七既
已即世唯子基仍存然亦在三千里外則欸晤不可
復得矣予鐫此編非唯愛其詩桑榆漸薄有思慕難
禁者也

嘉永庚戌歲浣花日蓬翁用九識

入主吟命難辨而古士登其堂中此明真語
余嘗言若曰林巖巖越贈食我諸賢謂對詩更真蓋
外吾所好也

從吾所好卷上

小結三章聊以自警

拙齋詩

歎老辭二章

眼目益眇昏齒牙不復堅讀書過細字舉筋歎新鮮
盤中多殘肉案頭不終編頻驚老境至蒼顏又華顛
不問形容槁唯恐心志朘半百已非天豈慕鍊丹仙
願奉先修訓以歸遺體全嗟此蒲柳質幸免龍蛇年
洗眼還敲齒餘生委旻天
憶往髻鬢日善病每庭羸爺孃掌珠愛撫鞠垂深慈

藥物扶予疾義方訓予痴乃得免夭札到此衰白時
五十今過一二孫兩男兒行當畢婚嫁那須憂寒飢
唯宜保殘喘吟誦適心志利名無繫戀江山有幽期
安得禽尚侶雲遊從所之

友人舉三憂三樂之語似予予亦效顰云道義
文章至老不進一憂也鄉無嚴師友門少佳子
弟二憂也空言無施雖切何補三憂也才雖至
拙學則嚮正一樂也兒孫無恙閭里不擾二樂
也江山華月娛目開懷琴書歌詩適心消閑三
樂也茲述小詩三章聊以自警

榮老常三樂孫生稱四休彼皆安所遇何慮又何憂
叔節去三惑伯鸞發五噫請看憂懼處誠實不容私
三畏與三樂聖賢有法言真知畏樂地可進聖賢門
陳圖南
心閑無世不從容況遇升平睡味濃元自白雲留住
好何須天子賜三峰

布衣陽月二日過國錐禪老
聞寂人空蝴蝶飛岸楓籬菊映禪扉徘徊無住菴前
逕適值頭陀負米歸

有感

槐安昨日夢應凶移石驚看擾蟻封啣子百千皆四
散須臾入竇群相從形微力小君臣合行伍整於報
衙蜂慕羶避雨數遷徙猶恐南柯政刑証人世治忽
亦復爾幸今昇平久際逢千丈隄防盤石固勿將壞
穴惱良農

府檄召兒慎乃賦一章

高卧山陽稱逸民年豐且遇泰平新朝來奉檄兒曹
走莫是虛名累老身
仲冬乙丑朔日有司召兒慎于官廳賜廩稍若
于以賞予講授里中云兼有勉勵優待之意不

讀書窻冷已華顛玩喝唯憂忝祖先豈意明時無棄

物猶將學行勵衰年

窮閭衰老謬優恩恩賜何唯貽子孫吁我於鄉無寸

効徒教慶者日闐門

檄徵兒輩不徵我應憫幽慵拜起難斗米猶慚素餐

責萬鍾寧換卧遊安

阿藩使者辭去乃有此作

隱概嘗逃名利關江山花月好怡顏華門忽有侯門

聘忙了先生幾日閑

適名仍被虛名累，餞使辭徵事未閑。唯有梅花枝上月，吟樽相對此開顏。
吟窻晒彼燭三條，折桂秋寒繼晷燒。孰若春園高卧穩，花間明月照元宵。

南邦侯伯遠，旌招其奈病羸難。折腰腰脚酸疼心，性懶終身只合伴漁樵。
元識熊魚難並兼，勞心何似養心恬。朱門避聘好題目，贏得自今詩料添。
何用一官夏假人，清閑富貴逐年新。滿園幾樹梅花

色，占得巢居閣上春。

感懷

我無華袞賞奚勸，爾善幾我無斧鉞。罰奚沮爾非爲空，言徒喋喋抗顏坐。講帷漏瓶灌，輒竭氣習各依稀。
舌疲筆亦禿，婆心與俗違。媿予記問學，寧能爲人師。
素少陶鑄化，幸免尸餐譏。從今謝生徒，行樂弄春菲。
江山無偏黨，花月有幽期。已哉迷路子，唯從爾所之。
對月書懷
礪礪乾坤夜氣新，林巒歷歷水鱗鱗。果能俯仰心無媿，始是吟風弄月人。

早梅詩

古人咏物之篇多比興焉或以憂世感時或以借物自況自周詩楚騷至唐宋諸名家無皆不然不則雕章繪句雖極工妙唯是閑言刺語玩物喪志素識者所不取況踏襲剽掠名銜世最可醜也咏早梅詩律絕并十有八篇野人竊有所喜又竊有

空所虞云

節八

風雪滿林霜滿坡孤芳回暖意如何凡挑俗李休相妬春在此花開處多

瓊瑤姿貌鐵心腸有脚春風度玉堂非是東君分付

好鵬前緣底遞清香

青女霜繁依月娥暗香來處有微和蓋宮多少花權

柄先把一番分付他

侵寒貞操伴松筠秀外瑩中玉有神胸次清香千萬

斛吐為天下一番春

雪後遙傳驛使春關山次第色香新一枝先卜千林

喜永作梅花世界民

章服具瞻五出紋還知補袞有元勳甫申儀色差堪

擬夷惠清和可共群東閣延賢千里遠南村數化四

時芬一枝春發寒林外好把華兄比相君

從書房好卷上
五
百花頭上獨超倫況與東君爲近親風雪侵凌方忍
凍松篁節操好成鄰格高天下無雙白香動人間第
一春南北縱然遲速異陽和萬里占芳辰
冰姿玉色冠群英雅韻清標莫與京水月村中香漸
度金華殿上影先明幽棲吟思勞和靖當路貞心付
廣平遙祝春風能結子長居鼎鼐作調羹

讀僧元政草山集有清貧詩沖淡高古太可嘉
尚因賡其韻

病軀生計拙高卧獨偷安那用因人熱只須耐歲寒
繙書千卷富種菜數畦寬也有淡交伴時頌首着盤

粟山詩

植松

移松植南軒鬱鬱晚翠重適當圓魄滿影落窻戶中
愛之不能寐烹茗聽清風夜深人籟寂冷然爽心胸
俯仰琴書間依稀舊丘同舊丘數畝田崑耕寄玉峰
老松八九株落落碧澗東上懸一片月下飛白石淙
辜負十餘歲塵務日相從誤此半生身遙愧南鄰翁

題川江圖爲尾藤志尹

君鄉是此耶余鄉蘇姑東在鄉隔百里來此一堂同
萍水此日相見笑向來官跡恐風蓬

或將作鶴圖先來請詩
欲畫仙禽狀先來要我詩
詩成醉草寫已有踈蹠姿

題枯木竹石圖

數株古木仙人骨相對怪崑空裡欹
忽爾風生寒篠舞只疑片片作雲飛

題畫

誤爲蒼生一出山難忘松桂白雲間
林中一老今無恙日日橋邊候我還

和端生歲暮作

舊薄三年債空囊一羽輕爐仍天有煖
琴豈曲無聲

葦索從鄉俗椒盤聊世情閑儒閑不得
自咲亦營營

阮藉贊

酒醒讀罷咏懷詩起對梁間淪迹姿
一哭窮途還一笑眼中青白向阿誰

題圓陵侯百老圖

千壽又萬壽百老集一筵問是誰家老
圓陵侯家仙侯家鴻寶信與義清簡爲政無一事
日出而作日入息鄉村終歲不見吏提封盡躋仁
壽域黃耆台背百不啻有時延致西郊學肆筵設席
執漿饋琴棋書畫隨其適茶菓醴酪亦任嗜既飽以德醉
以酒簪花起

舞嬰兒戲不復省君子在上倦來伸欠相倚睡豈弟
君子恭且溫唯養氣體不乞言壽而多男福如茨此
言聊以報此恩一幅新圖代惇史畱示世世萬子孫
賀惠美三白六十
一響大笑笑何事笑爾題出周甲子爾翁福壽天所
祐六七十何足異栗翁在世猶蛇足素餐日糜大
倉粟東支西吾倒又起奄奄猶能及杖國況乃瞪若
十年前清癯飄然池上僊鐵鏡光融土池水金函秘
訣三世傳天眷藝備百萬衆一笑顧翁舉付公丹爐
煙煖寒林底寸匕春回窮谷中一邦生靈濟歛天惟

祈爾翁龜鶴年維天不違從人欲何疑爾翁龜鶴年
何意富士山下風調雨順士一古歎吁
誰將東海水濯出玉芙蓉蟠地三州盡插天八葉重
雲霞蒸大麓日月避中峰獨立原無競自爲衆嶽宗
梅花雌雞圖
穀穀相呼鑽破籬羈栖戀侶落梅時秦關一別無消
息不記當年炊糜度日香劍對十萬嶽四坐坐白雲
民山山水圖爲藤志尹
此間堪可約山栖幾轉巖林幾轉溪他日挂冠誰早
晚締茅夾對水東西

如巔爲仲佛蓮題月仙山水圖絕崑巔上二人對坐
此間崑下橋上著二老後有童子荷琴而從焉
月仙潑水墨持致仲佛蓮佛蓮不能名問余是何山
雖余安得辨挂壁十日看險怪千萬狀四坐生白雲
橋上二老翁酷似我與君相要攜琴去欲攀千尺崑
絕頂朗嘯發清韻落風湍鸞鳳互相答恐是阮與孫
佛蓮點頭咲道氣默中傳云旣商略得罷罷休多言
和答賴千秋赤壁集字作
何羨飄飄蘇子風臨臯道士一方雄扣舷洗盞今安
在月白風清思不窮原自遨遊寄天地任佗枕籍倒

西東樂乎物我皆無盡况復匏尊諸客從

合矣題蘭亭圖

永和右軍七百年爾後元祐李龍眠又七百年日本
國文化妙工出月仙更著懶翁是蛇足不妨千里與
比肩後視今猶今視昔觴咏欣暢陳迹前

南無阿彌陀佛

南無阿彌陀佛北無阿彌陀佛十萬億土西與東天
地何嘗有此物

和六如上人春興韻

酒人吟客類相從各各春情各各濃昨日西山相笑

別東山今日咲相逢
思花半夜繞簷行
卜得東山明日晴
屈指迷花人有
幾單單一箇孟先生

家翁澤叟已成仙
此夕聞君又上天
關左故交凋落
盡孤生何以送殘年
平生散聚相思夢
豈謂渾成夢中夢
切切惻惻四十年
非君爲慟誰爲慟
含笑相迎數日前
春城同望萬家煙
早知卽事成千古
悔不一甌茶續煎

余性拙百無所能
其於韻語尤非所解
適感物
衝口而發意一時漫興
不足存也
是以家不畱
稿有人索舊作言此以答之

欲書舊草問諸君
舊草風吹散作雲
君去試看清洛
上風花雲月是吾文
采山美可茹
釣水鮮可食
棲居山水間
何有哉
帝力長鬚能擔水
赤腳能採薪
東山高卧老
此外無經綸
題桃源圖
飄忽初疑夢裡身
仙源相見避秦人
覺來試向淵明

說一笑欣然云是真氣味且與春入費來始向臨即
 病中迎千秋敘別適厨中寒儉無可以為禮漫
 言此以侑觴慚愧慚愧山高何處此水無點
 力疾相迎入回顧問宰庖叩尊縱有酒倒度恐無肴
 殘鼓纔存碟香柑只遺苞幸能歡飲別可以稱心交
 土風冷然師以此帛見索咏松舊作老來荒耄皆已
 忘書忘之因書此以塞責也
 憶曾髯叟入詩腸老去舊稿皆已忘偃蓋風來疎韻
 落冷然仙琴自宮商
 二洲詩

時是秋末宵忽暖風意如春月如煙五更睡足推枕
 聽簷端樹杪都懸泉笑我不成來日計萬事無機不
 動前

枕上漫吟

對客吾先醉謝客睡昏昏家童授衾枕百事付夢魂
 垂曉如不曉簷溜響潺潺不知昨夜客去時作何言
 三五年間無所就不知不覺過光陰古書堆裏眠初
 起難療從來閑適心

去歲上元凶弟得病自賴氏歸茲夜感念不能
三五自勝賦以自遣
吾影似吾弟對立剪燈華形影終不語夜雨撲草芽
出郭隨花去山邊又水邊酒家到處有杖頭不留錢

下高瀨

微雨春宵晴野航穿菜花菜花香斷處知是近人家
獨坐堪閑適轉知容膝安輕風花一朶淡靄竹三竿
飯罷餘春味酒醒覺暮寒考槃元我事竊比碩人寬

如時題畫

綠樹丹梯好拄筇寒流咽石響淙淙樵夫相視不相
語溪北溪南路一雙

題畫竹為僧皆同

枝枝籠淡靄葉葉帶微風誰知清高氣一綠此虛中
衡宇蕭然垂柳深孤舟輕颺入涼陰何思乍作迷途
客惆悵題詩負素心

醉愚子

杜詩云敢論才見忌實有醉如愚余因以醉愚自
容稱已又思之多一如字於是賦以自解

醉愚子醉愚子有何所寓醉如愚吾是真愚非故爾
寧煩別著一字如柴也愚愚即賢愚公移山又壯圖
醉愚子不是以醉醒時亦何耐人事春朝秋夕只獨
酌閑適猶嫌妻兒侍託醉求愚吁亦勞少陵卻饒才
見忌

壬子元日退朝作

殿閣層層生瑞煙升平氣象正新鮮自知故態終難
改朝罷牀頭抱甕眠

民下題畫

探盡山中勝杳然信馬還從今靜夜夢常迷在此間

不知村裡趣只覺事皆幽茅屋多因樹柴籬斜傍流

稻收喧野雀艇去起田鷗閑聽桑麻話塵容我自羞

和西山士雅元日夢余韻

陌上朝衣映曉天山中高士卧迎年塵容羞我入幽

夢乍破梅花雪裏眠

夜過漁家分得漁韻三首

閑事日之夕飄然訪老漁漁家更幽趣焚荻煮溪蔬

曝網連茅屋月光透自疎兒童不知客展脚卧中廬
老媪出買酒老翁獨數魚答吾漫不顧只覺中心虛
醉後漫成

病夫須自養微醺以支離身已落塵網未能與世移
塵網豈素願文字誤生涯昨非今未是歸去來何時

戲題高卧子圖

高卧余在
津之自稱

一人成兩世前身即後身煙霞與泉石變為滿眼塵
塵境不可留何日返吾真獨誦遂初賦杳然想伊人
月下橫斜影疎疎到吟牀幽趣無人問占坐聞清香

梅邊口占

小齋偶成

開選三弓許穿窻四尺餘靜窺從此裡遠景萃小廬
娛心窩偶成

泉石似吾有主人心自娛春流花映遠晚日樹含孤
淨几香三炷晴窻酒一壺冷然唯守拙夢寐點塵無
廣瀨生來訪有詩述余平生次韻卻寄
我嘗出山山約我山嘗送我我約山我不負山山乃
負何折吾輪不得還城上春風濠上月心在水聲山
色間春風秋月催人老徒歎白髮掩蒼顏汝能知我
須憐我山靈推我落塵寰

春夜獨酌

三春勝事月升時自在花間把酒卮花月有情都不語為吾來照為吾披

東窻漫成

不說身外事心中自安穩誰謂仙難為東窻去人遠

偶成

無說塵世事世有何可說無說又無思可以安吾節

從吾所好卷上終

從吾所好卷中

茶山詩

茶山詩

一出中山窟分身幾百千貴賤不擇交奔走只隨緣

壽雖以日數事自與世延或為董狐秉芬芳至今傳

或為魏收用臭穢鎮綿綿均之盡心耳妍醜胡判然

吉凶如糾繩端緒誰得知朱紱人所戀綠綺事堪悲

禁網非疎闊弋者紛相逐纖煙能爍山素練固可緇

從吾所好卷中

恐君經綸材或觸縲紲機何當解印綬澄江理釣絲

岡崎

松間指鷓尾城入晚虹中驛馬橋聲鬧津樓筏影叢
遙峰低大野平楚迥長空昭代開基地山河鎮鬱葱

梅雨

溝渠皆漲溢濁浪渺無津竹外防堤火原頭賣渡人
暫忻陰較薄轉苦洒還新此際例多雨今年全浹辰

夷齊採薇圖

鳥自高飛魚自沈行藏隨遇亦隨心生涯何必周王
粟滿谷春風薇蕨深

早春襍詩

鳥語知星曆風光入埜村老偏嗟歲減病且喜春暄
殘雪橫遙岫浮陽靄曠原終冬常擁被此日始窺園

閒行與吉本生同賦得耕字

林鳥啾啾語溪澌泱泱鳴風將吹病去草自喚愁生
霽郭寒初退春郊人已耕君如減書課我亦伴閑行

失題

停車看楓樹古寺秋山脊丹葉照樓臺鐘鳴始知夕

兵庫道中

曉霧帆樯露殘星鳥樹垂潮聲含雨意人語帶春熙

疎磬松王寺荒田楠子碑舊都多逸事或有老漁知

題後赤壁圖

清都春夢一場空何處遊蹤不雪鴻有酒有魚今夜
月復驅蘇子上孤蓬

過眼雲煙到處娛雪堂何與玉堂殊山高月小別天
地不入青苗新版圖

躑躅星淡月建章宮回首觚稜跡已空今日黃州亦新
夢幽心寓在鶴聲中

黃安跨龜圖

縮頭時堯未生出頭時漢已興中間昏暝三千秋不

見虞夏與商周冕旒輅車天下美不識仙人語汝不

驛樓一帶枕流開粉壁參差荻渚隈多少舟船連復
斷高帆徐拂屋簷來

二月廿六日器甫玄壽西歸因憶去年與二子
同還自在都亦以是日發程賦此送別

去年今日出武城春風竝轡向歸程今年今日蘆川
曲春服聯翩弃我行去年今年日非異今年成悲去
年喜不知明年定何如君在官羈我老衰老衰隨觸
易愴神一朝況送二故人鳥聲處處爭呼友柳影枝

技不勝春鳥聲柳影皆舊物人世難定是逢別明年
今日願攜來轉將悲日為喜日

武君立來訪

一池春水半牀書遮莫鄉隣過從疎此日故人遙命
駕恰逢花影滿庭除

花前勸酒莫辭頻戲蝶鳴禽也惜春一載芳時知幾
日百年蘭友愛誰人

寒夜歸自福山

夜路防寒互與窗閉不開蕭條知出郭馥郁覺逢梅
春相村閭過鈴聲驛馬來到家人未定燈影暖金杯

老萊子贊

人間萬事盡兒嬉誰信斯中有是非父母俱存天下
樂春風吹上彩斑衣

寄題逢原堂

過門登登打榻聲入門潭潭即縣廳廳上書畫堆圍
坐主人好事遺官情近時諸曹日煩擾檢囚勾簿動
到曉怪君逢原果何源流連恐將陷素餐東野耽詩
詩廢務南宮愛石石成顛誰信通才無畱事儘有餘
閑肆遊戲君不見彈琴戴星同一治堂名逢原應有
意

赤阪路上

籃輿蔭樹暫相停
赤阪村前小憇亭
籬落高低撞圃
白汗邪遠近蘭田
青幽崖有水沙俱
走荒寺無門竹
為扁憶昨天涯千
里客不逢斯境一
年經
坐至早到法城村
冰池知暖響鏗然
正是山陽蜡後天
日出林頭風未
動清霜融作滿郊
烟

舞子津

追計前游驚旅魂
沿途知盡杏花村
戊寅三月清明
節舞子津頭又倒
尊

平送舜甫東行

草色青青驛馬嘶
桃花灼灼野鶯啼
送君橋畔千條
柳此日依依不向
西

蝶七首

盆種一株梅雪中
花始開候晴移
近日已有蝶尋來
一花香幾陣已覺
兩邊通一蝶日西
至一蝶來自東
蝴蝶春眠熟夢迷
花氣中村邊初杏
白源裏正桃紅
過雨身仍溼隨風
翅也斜朝飛芳草
徑夜宿故都花
行藥若迷歧空隨
蝴蝶去吾知蝴蝶
心會向花多處
春郊不起風夜氣
扇和煦宿蝶夢難
成雙雙出花舞

衝風觸花樹花落撲吟榻一片忽還枝知他是蝴蝶

偶成

城樹鶯遷日溪村獺祭天庭梅頻歷雪沙柳已生烟

同輩仍才鬼餘齡只酒仙一樽晴檻午誰共作新年

一亦七十誕辰

醉月迷花七十年不能翻幸老林泉人稱隱侶兼吟

侶身愧頑仙又病仙壯志非無才素短童心仍有事

多愆展觀壽頌堆牀上且喜諸公未我捐

清明簡友人

一年只三月三月只清明清明纔數日能得幾時晴

群芳已爭發眾鳥亦競鳴此境非酒緣底答此酒非

君與誰傾春光如此不同賞今日之日棄我行

中和三日送體圓師

永和三日治行裝滿岸桃花李九莊歸思如弦侵雨

發揚林東渡晚微茫

泛溪三首

欲看霜後山棹上溪流夕水縮轉清溪初知底全石

放溜舟如矢須臾過幾灣彩嵐迷面背不尅向來山

下時舟太速上時舟太遲但將吾意樂遲速兩相宜

長松飛瀾圖

誰搏溪間水躍在老松巔誰開行險路難於上青天
所求苟不多所居自安便請看源頭處飛瀾本恬然
題石子道藏松島圖
人間何處有斯觀松島千點聚一灣故人製圖求我
題披玩幾回心茫然縱我構思得神助短毫受意亦
應難矧伊畫見將意想不同雙眸遍熟看好待我身
生羽翰羽翰生時向東搏路經海上三神山直拉其
中識字仙同遊歷覽時息鳥松巔使其對寫諸勝真
示君人間未見之靈篇

栗樹小島

栗毬將罇葉將摧四野西風日夜催知是陰崖寒已
重小禽相逐出山來

題畫禰詩

歸漁自疾行栖鳥不成隊暮谷雨將來水流聲正大
雨過山初見波恬石尚鳴前灣魚未集停艇待潮生
江雨暴生風漁人忙起碇波聲禰樹聲前艇呼不應
漁人相喚應四散不知處愛看落後舟一帆映山去
獲魚籃已滿風逆不能還咫尺吾廬在炊煙橫樹間
江頭漁已還山上鳥相逐我亦歸柴門柴門飯可熟

海晏寺後楓林雅集懷亾友倉先生

楓正赤相映醉人顏回思君曾開此社林間溫酒錢
儂還屈指十餘年 楓正落廣坐笑聲中君在邛山
松柏下豈知今日再來同洒淚醉西風

右調望江南

秋日襟咏

歲黠秋卉媚煙霏風意冷冷小釣磯慘日將沈乍相
照一雙黃蝶出叢飛

午暖叢閒尚露華殘黃蕊紫相交如螳螂熟視人來
立徐自蘆花移蓼花

秋深園卉日凋衰也喜幽芳無歇時陰處誰傳小春
信茶梅已先菊花披

杏坪詩

題畫牛粟山先生索

陂頭雨歇芳草勻村農放牛牧青春烏犍瞑目眠殘
日黃犢竦肩呼犢頻世人視牛皆是牛安知裡不有
麒麟時向牧人如有說吾貌雖陋心卻仁願一綏耕
天下由大生穀粟濟飢民牛音牟牟誰能辨葛盧死
後世無人

晚次奴可郡

孤驂投額郡地勢近山陰荒野流霜重空城落葉深
徒論當世事那得古人心峽驛天昏早寒星爛作林

食眠四首 錄二

暑月在高齋食眠只願佳盆堆新杏子
庶補舊麻蕪牛僧博徒半鷓師屠戶
皆誰能說幽事慰我老沈懷六月暑方徂
秋霖催灌茶鼠恣思白老瓜熟祭黃姑
長筴經梅斷淺田蓋酉枯得涼身復健
欲不要人扶

秋風四首 錄二

溪流涸出石野火橫焚蒿夕日蟬聲歇
秋風雁語高青山身未穩白首氣猶豪
半夜三鍾酒聊忘報國勞廟謨吾豈敢
獨醉送殘蒸梧葉頻朝滅蛩音逐夕增
鼓祠秋賽鼓茆屋夜綯燈老子無它喜
村村百穀登

題秋溪漁舫圖長府松岡醫員索

西巖殘日照霜樾秋灣水落岸露骨
晚漁歸維舟作鄰窄長宛如脫雙鞵
曝網挂蓑燒枯荻煎茗傳飯又吹笛
閒澹可愛好生涯一籃魚鰕一家活
不羨飛蘭島漁比王侯常向洋心縛
摩竭

春溪縱行

不問無花寺故過有酒村春郊三四里
歸路欲黃昏神邊驛訪禮鄉

驛門下馬已斜暉認得垂楊樹裏扉
一見先忻叟無恙朱顏鶴髮白蕉衣

小赤壁 并引

新至自羽州携五色洞石來會先生因奪之
作長句以慰龍渚距今十有七年二老已逝
石在田內月堂所以予識此石遠索詩予亦
愴然感舊遂步先生舊礎以為贈

貪夫遇金流饒涎廉士見金猶如石石顛一石比千
金具袍呼丈比賢伯丈兮不言又不笑兀然安坐顛
翁宅顛翁雖健本非石奄然去如快箭射惟石靜壽
獨無恙人亾石亦辭寶格天公為生新石顛傳玩摩

掌晨且夕新顛不讓舊顛癖顛顛相禪風流魄君不
見此石曾在五色洞五雲深處久潛伏龍翁穿雲一
攫去膽氣不怕山靈嚇歸來袖赴栗翁宴搶攘卒為
主人逼此夕壬戌十月望明月在天江水白主賓玩
月且玩石命名遂曰小赤壁赤壁坡遊前後好幽勝
殊擬後赤壁坐有巨口細鱗饋復招玄裳縞衣客回
頭此會二十年二老已係天上籍嗟乎江山猶且無
定主不怪微物得從失此石今在月堂床疑看老蟾
降托木名品不墮塵俗手仍舊還躋高人席年年十
月月堂月月下相對長相樂

尺尺筑前文學月形君璞晨過蘆屋浦見宿雁群飛
朝并殆無餘天君璞有詩余亦記其景入韻
蘆屋村頭舊障原朝霞已出復俄昏有聲似雨橫江
至無際如雲掩日奔滿幅鴉塗字難辨幾軍魚麗隊
何繁半起連天半猶地嗷嗷斲作雁乾坤
尺且間坐自嘲偶有二詩僧至
記隨乳母買泥孩滿頷霜毛鼎鼎來更事雖多原不
智讀書非窄奈無才晚晴出見門前水宵月行尋橋
北梅時有琴聰密珠至吟詩共畫白檀灰
春盡日可部驛買舟歸府偶憶管禮鄉

高宮郡南古安北歸馬來維漢辨驛春漲連天可愛
川此地舍馬買小舟偶值三月三十日萬斛春愁舟
欲裂流水無情疾於馬眼看流花追驢下吏人春亦
難得閑花開花落瞬息間此日因憶東坡老捲簾歌
枕卧看山

秋晚書事

料識西郊臂健鷹坐看南浦聚殘蠅買茅將補屋三
角每雨輒加寒一層度水馬聲秋稅米隔離人語夜
茶燈惡書近日應從索懶使衰髯對研冰

公園八勝單賦松林明月

明輝葱翠兩相宜月自知秋松不知鶴夢驚時露如
雨一輪高挂萬年枝

梅花

野人屋角梅一枝上玉館只是從前香不敢作加損

涉家園書所見

古帖停臨摹家園試理涉小池如敗盆秃木似殘衲
茄老生佳兒蓮枯亾艷妾棕魚取將餐菊虎藏難獵
銀杏千乳房金柑百圓靨衰桑戴白絲新韭抽青鬣
無花果自甜多核柿差澀梧有鳥巢枝蓼無蟲食葉
麥人去杳茫菜伯老插濕鷄母攬空根雀兒搜暗粒

雖忻植物多其奈開園狹一匝東西籬三逢黃白蝶

運甃居雜咏

休言吏氣換儒酸骯髒於今心骨寒瓢蓄老醪生白
醖鼎烹春鱉有黃丸蠅紛詞牒雖時辨鴛拙官情逐
歲闌還啓西窻望安北亂鴉歸處暮山攢
百年舊府嘆榛荆四面山河自作城十日雲容多北
走二州水勢盡西行遠書每托海商至閑話只憑山
衲迎羈宦雖孤幸無事回頭已沒幾同庚

送觀牛上人東游

虎溪久住雁門僧案上楞嚴夜夜燈一日出山向何

處或過彭澤或少陵到處人如有問我潁川未逐老
聾丞

韻譜

隱侯一撰四聲譜爾來遵定百餘部部內雖有廣窄
異散劇各得同保伍劇字有權居部首譬諸豪肆列
財府寥寥部尾數十名亦比窮巷小編估殘貨雖居
無人顧安知裏不有敗鼓偏僻如彼豈無用天下不
復出韓愈

演雅做山谷體

鼠巢太倉肥孳息雀穿茅屋飢啾唧齊女飲露如矜

高黍民吮血似待拍蚤免齒牙在見幾繩投酒漿緣
貪得廉蚓食壤恣屈伸饕蝨處禪終搜索膊膈膊
戒晨興架犁架犁勸春穡竹鷄呼泥頻報雨蘆虎剖
葦勇求食啄木千啄獲亾幾淘河一淘慾巨測設機
害物憎蜘蛛含沙射人畏虺蜮怪鴟乘夜察秋毫痴
蟆升天致月蝕鷓鴣志甘一枝棲鷹鷂氣展千里翼
鴻鵠寧爲稻梁畱鴟鳶輒逢腐鼠嚇鈎翰難行常懷
南杜宇催歸每叫北放鶴祇應伴鷗鷺儀鳳焉能食
螯蟹郎君子宜辭糟蟹慈老人奈虐玉鯽雄雉被射
藉文彩雌蟬無捕以瘖默天牛名大不馱金河豚味

美翻爲賊可笑鰲劍與螳斧肯數蜺量且螺識獨憐
丹螢片心明不問烏鰓滿腹墨

在三次請致仕

人生有命莫依遲私計從來拋是非一穗寒燈鄉夢
切數莖殘髮宦情微辭枝蠹葉無風墜出岫閑雲不
雨歸獨有寸丹銷不盡時時西向淚沾衣

告老見允發三次還藩府用前押

七旬致仕我寧違倦宦怕遭朋友非但恨君恩未成
報不愁生理頓爲微何同老萼黏枝死好趁乳鳩呼
子歸漢辨川南一蓬雨青蓑復著舊時衣

致仕過漢辨

二安曾判安岐郡形勝豐饒冠一州官錢開鑪鑄農
器野蠶成繭織山紬落花緩步春風馬短棹輕划暮
雨舟來往幾回過漢辨何如今日最優游

三休亭禱詩

肯謂成風袖匠斤頑軀閑退送朝曛春花致養分前
雨夜月多陰午後雲腳弱寧由捷徑往耳聾猶有聖
言聞人生暮節殊宜保長見竹蘭含翠芬
長川茂竹遶窮閭退士棲遲樂有餘斜日半窻呼晚
飯輕煙滿野摘春蔬衰腸猶飲到臍酒老腕難成縈

髮書四十五年如一夢回思釋褐拜恩初

西齋偶書

西齋纔數笏退官愛蕭然身瘦不生蟲耳鳴常聽蟬
閑愁悲落日微醉樂餘年窮達何關意曾來任老天

卜算子

秋日訪東溪師

楓落露晶稜堂邃雲龕靜苔砌人稀殘日寒
鼯鼠間弄影耆宿只耽詩世事毫無省意馬心猿熱鬧曹
那識師心冷

從吾所好卷中終

從吾所好卷下

羽倉用九士乾編

慊堂詩

和陶公飲酒韻二十首

節十首

余羸疾寡悰中年以來哀樂之感最深每得
佳酌意頗暢然仰誦陶公飲酒之詠用以自
勸時有滯抱即借其韻以攄之日月漸多忽
滿原什當其困頓時誦之聊亦自娛耳
昔有大物主神明以釀之為人合其驩淳樸未散時
况遭世運降醜薄不無茲旦夕吾以醉不醉不復疑

但覺未醉間形骸頗拘持
名教有樂地至人會其情百榼群聖上宣父豈無名
天真忽爛然矯偽何自生嗟嗟今時士匪醉受足驚
姬公雖不飲禮樂以之成

金天無榮柯脫葉紛以飛高風四面會日夕使人悲
陽鳥候時至啣蘆翅相依就暖擇水草避寒得所擇
吾欲往從之懶惰心力衰不如息華念莫使夙好違
俗士難俱道日飲失其是使此天美祿但有狂藥毀
達人領其會無量亦云爾無情天亦醉江霞夕結綺
宿雲在東嶺英英弄其姿一朵飛北嶺三匝長松枝

大物盤其下噓吸發靈竒沛澤雨一方而後何所爲
冉冉天外去遙遙無所羈
伴鄉生清門管公舉有道管公終不飲伴鄉酒中老
前後帥西陲榮任非枯槁一公常哀怨一卿從所好
台階多憂畏人世間爲寶醒醉孰得失君須領言表
疲軟謝世交有客逐臭至稚子起應門翁今頽然醉
客去徐又回問翁醉幾次有酒莫不醉昏冥以爲貴
翁冀能自愛恐非養生味
吾應以醉歿醉鄉有故宅此路久不用浪莽闕行跡
醺然吾徐入步武無十百督責不到門琴書當室白

君言非無理吾情深足惜
北窻高卧人千古畱清風激貪不在多唯此三杯中
斯人猶劬飢余豈論窮通一發不可回歸心滿穀弓
四十無善聞吾今何所得大聖垂懿訓期時稱不惑
繼有命世者志氣兩間塞伊人苟不然何關人家國
峨洋可慰飢歸去養沖默
文章不經國顯雅登膺仕橘子常窮乏妙筆不救已
何用哀請爲人須知廉恥不如玄武門掛冠返故里
濁醪足自勞遺逸豈無紀吾所以言此聊亦志吾止
惟有方寸地罔然頗可恃

陶公千載上猶云世少真只有此濁醪獨含萬古淳
耳熱仰天歌日月爲一新四顧何蕩蕩哀樂合胡秦
賤貧謝拘束富貴視涓塵異哉浮游子錙銖徒辛勤
樸遯眼迷離形與神不親車馬紛狂馳爭趨要路津
三復衰榮篇悚然整吾巾九原如可起執鞭從斯人
西條賢疾以今茲乙未春二月賜暇始就其封
上恭賦格詩一首以榮送鶴駕并申獻芹之私
君今赴封土發軔期在邇索以一言規至情懇不已
吾姑舉所聞誦言濫悖史民政吁亦難惟在慎其始
施設錯後先安能成治理譬如歲有春元氣肇於此

膏雨潤川原惠風蘇木卉陽和次第專而後燦發
所以其初臨莫如事緩救恤孤而敬寡養老以尚齒
盎然其以熙經紀由茲起又於其藩臬貴德以尊士
上下重禮讓臣僚勵廉恥羹牆遵祖訓繼述蹈前軌
法勿有紛更事勿有廢弛又於其身心勵精以克己
宵衣復盱食崇儉戒侈靡不可昵儉人不可耽牀第
左右惜嘖笑愛憎慎譽毀明能祛蠱惑聰能求公是
維此十數言布帛菽粟耳只要服而契乃知暖與旨
庶幾君罔愆吾言非有詭士不見三日猶且刮目俟
況復週一期收効吾翹跂

軒窗築嵒翁
釣天錫畔臣黃頭誤漢皇大賢應夢兆居就何荒唐
科斗出斷壁末學擅猖狂琅琅鹽梅言曷時汰粃糠
不心山莊書事
清晨漱殘齒井水暖如湯仰見長庚爛下凌缺月光
盛衰互相易物化不無常惟有伊人志老窮應益強
飲隣翁
有酒招隣翁引爲我儔侶一杯猶繆敬三杯徐徐語
津津桑麻事似我說詩書桑麻翁日治詩書我日疎
吾將從翁耕豈爲儔侶否掉首翁不肯疲軟非吾耦

吾醉欲歸臥方今麥秋初明起利吾鋪公惟讀公書
其言似陶詩欲寫翁且須翁曰幸與我善哉鎮宅符

題嶽頂石壁

皓皓大古寧冥冥天下雨真宰一宵功嶽雲吐幾縷

題橋下富士小照

嶽色插青空萬仞勢未了飛下圮橋底遠景一點小
不以一點小人視為眇眇所以地中象聖人細幽討

藥師寺隆賢上人求詩

吾行參古佛古佛咲欲言吾酌三昧酒入它不二門
神遊古塔頂手撫巨人跟頽然玉山倒看我小涅槃

黃白為顯哉題漁蠻圖

優游上不事天子偃蹇下不友諸侯沿洄如待興王
日題道漁蠻亦不愁無受野

字取七十初度諸賢來欲勸一觴堅辭不得言懷十

首

諸君休唱七十希百歲唯過七分時乾元拾遺傷心
日痛飲漫為興到詞

帝皇之世壽無疆有道君臣歲月長夫子從心回也

死應知時運有低昂

身在堯天舜日中含哺鼓腹忘誰功老態如茲隨處

有寧堪觴豆辱諸公
屠龍技就無應用久矣善刀閑處理今日爲君一開
視滿身老綉厚如苔
詩書腴美野蔬香唯覺老來回味長幸假十年溫復
力受觴可學酒無量
達人一視生將死歌哭俱看師友情夕凋僂返千秋
宅用哭代歌尤有榮
如此情懷有如結觴無受理返君嘗陶家殘菊猶堪
摘且向籬邊醉一場
黃白淡濃紛紅紫葳蕤延蔓錦爛班夕陽移坐漸無

次人影動搖九畝間

叢菊裹榮久無酒白衣悵望幾年情花如解語嘻嘻
笑左右瓢盆瀟瀟鳴

日落園林弦月嗟三星在戶舞婆娑病葉狂花紛滿
地無如此老獨醒何

試筆

七十居然盡風光又一年餘生天所賜林居康迤邐
回想孟冬月補屋窄墻垣葑蕀收時味薪炭庠采椽
禦冬計苟合冰雪不吾愆煙花溫堂室朝誦閒夜絃
百孔兼千瘡六藝粗旣全因忘老將及非爲窮愈堅

忽然東風扇鳴鳥喬木遷開門方一笑幽興滿春田
河魚腹疾少山芎臘尾年頭愁裏空滿苑梅花齊咲
我林居二十八春風

四月十日徵書至

徵書半夜下山前松桂颯然猿鶴驚愜穩卅年薜蘿
服明朝懶換杖朝榮

九月九日入朝

緩步台庭瑟瑟塵金鰲頭上會群真登高想像龍山
處白髮飄蕭少一人

山陽詩立莫大夫題

讀書八首

節三

吾髮猶未白早已擲華簪未能住林壑杜門紅塵深
豈無友朋締俯仰非所任言笑雖云樂謗譏動侵尋
率意時觸諱飾情亦等瘖不如還讀書有人獲我心
開室灌木裏軒窗洞南北薰風生其間衆鳥鳴不息
鳥言無毀譽寧說喪與得喜彼門外事不到几榻側
披吾架上書持映木陰綠遙遙千載人如覩乃顏色
收卷爲一笑此心唯自識

築室鴨水上插柳纔數尺來住方六年其高已過屋

上枝栖鳴蟬下枝拂浮鷺中枝映吾几翠陰書可讀
仰看樹如此歲月如流速

戊子夏秋之交詠園中草木示從游子弟擬東坡先生而非盡然
盆盂蓺幽蘭抽華忽數莖莖紫蓋含綠漸變白彭亨
一朝破其類遠香漾軒櫺人才同卉植育養期華英
函容雖愧狹滋灌務節茁然吐芳馥豈不娛吾情
月季每月開籬落裛風露剪故出新枝英華由激怒
一月不剪伐葉茂花不吐因循學蕃微引蔓附佗樹
外慕不自立莫乃失故步

海陸二十四首

節二首

土鼎茶方沸茆簷霜始乾病夫艱蓐食十里乃早餐
後帆追未及前帆勢欲騰行至潮門處帆影疊層

泊天草洋

雲耶山耶吳耶越水天髣髴青一髮萬里泊舟天草
洋煙橫篷窻日漸沒瞥見大魚波間跳太白當船明
如月
阿嵎嶺
危礁亂立大濤閒決眦西南不見山鶻影低迷帆影
沒天連水處是臺灣

築室三首節二

八分樹竹二分家
庇得琴書已覺奢
卻向東南贅一室
要將三面看梅花

斬新書室壁纔乾
唯恨先人不及看
壁上施釘新挂
下數行遺墨淚關干

月瀨梅花之勝耳之久矣
今茲糾諸友往觀得

六絕句節一

兩山相蹙一溪明
路斷游人呼渡行
水與梅花爭隙地
倒涵萬玉影斜橫

別後舟中憶承弼

燈影人聲過幾橋
滴篷江雨夜蕭蕭
知君新浴徐伸脚
婦辨盤餐女槌腰

至家乃雨

十日閒游盡朗晴
薄陰昨作好舟行
一尊今夜軟吾脚
穩卧南窻聽雨聲

吾莊二首

壓墻高柳是吾莊
迎客方烹梅子黃
一水數家供婢汲
朋尊斗酒有妻藏
南隣未請杜真率
東野原容韓木強
拋筆推窻為小醉
東山歷歷半斜陽

背城面水是吾莊
六歲栖遲未覺長
柳舊吾栽已過

屋笋非隣迸亦穿墻卷中龍戰筆難了門外蠅營人
自忙顧笑孤寒無所恃書成欲向底山藏

奉母及叔父游嵐山
小阮吟詩大阮眠同澆磊砢共陶然一瓢已倒春宵
短花壓溪窻月在天

木鷄至

倒屣相迎笑輒然呼杯欲待夕陽天借君冰簟借君
枕向我溪亭姑一眠

題新著通議後七首

傷觀時議添蛇足熟識官途編虎鬚卻有世情灰不

盡著書猶欲擬潛夫

肉食謀存誰置評自朝多事老書生一窻風雪妻兒
卧奮筆燈前紙有聲

陳編儘許口縱橫敢趁諸公贊太平未必語言當菽
粟且憑筆墨鬪蛟鯨

藝苑鴻文錯典墳儒林閱議媿河汾吾無周禮橫胸
裡直攄肝腸寫示君

敬輿駢體含流動和仲分篇見貫穿跛鼈自知千里
隔學文亦似上青天

洪流日夜淺成深未缺金甌自古今策漢過秦同一

意無人識得賈生心
半生歲月酒中消落魄耽詩鬢欲凋小杜唯留二論
在豈無身後李文饒
與敬所翁話別
暮年逾覺知音重篤疾殊知分手難獨有精神永不
死時於書卷數相觀

山水小景

出門逢友到袖裏帶詩來看詩爲未晚且共去看梅
菊老有餘香空階寒日薄秋林夕多風木葉掃還落
淡窻詩

雜詩四首

周易晰天人言性最詳備抑揚窮其變三百八十四
陰陽既有雙君小寧無二要知否泰分須辨剛柔位
後生言雖勤善惡唯兩字衆妙不復存邈哉羲文志
古文出孔壁紛招千載疑身非古董客真贗何得知
伏書如食茶孔書如含飴滑甘知完善苦澀恐殘虧
菱花生昏暈百象皆參差凡鏡取明徹亦可正須眉
采唐及芍藥作者在風時細寫閨巷態欲爲廟堂規
請看從軍詠不是介冑爲春宮秋閨怨豈必紅裙詞
古義立明表後人迷路岐遂令經筵上全廢國風詩

春秋明名分大義本煌煌瑣文兼末節乃覺言之長
僭稱斥紫色正統揭春王華夷有限界亂賊敢披猖
兩曜升八宿天維森已張衆星如泡沫吾且付蒼茫
桂林莊雜咏示諸生
休道他鄉多苦辛同袍有友自相親柴扉曉出霜如
雪君汲川流我拾薪
霜落溪間老葦莖殘流如綫未全消寒沙一帶多人
跡閒卻崖頭獨木橋

鐘堂

日永鐘堂靜篆盤煙繞紆一僧眉似雪拈屨坐團蒲

淡窻

明窻兼淨几抱膝思悠哉莫話人間事青山入坐來
四海多權教不獨一浮屠廣張罪福報誘喻夫婦愚
朝議貴大觀併容神佛儒苟得民依賴何論理有無
三武振其武快心唯須臾若決梁山泊須穿一大湖

村居雜詩八首

節二

閒步東西塾小眠南北樓蒲團行處具草履倦時休
葉墜簾櫳夜花開籬柵秋病餘猶止酒何策破幽愁

行藥何邊好逍遙出筆門新溝通故澮獨樹界隣村
聽鶴時孤立逢僧偶一言官倉方納穀雞驚似蜂屯

寄題櫻老泉

酒渴復思茶秋宵移步屨銅瓶斟水回一半是楓葉
蒲君逸為其家君築室招飲

築堂新奉白頭翁應與先賢養志同唯使溪聲來耳
底不令家事入心中游魚滿笥今朝雨墜粟堆庭昨
夜風汎愛誰圖及人老一樽歡意亦融融

讀左傳二首

逢掖誰傳闕里真爭談俎豆口諄諄豈知夜半啣枚

者風貌依稀是聖人
慧眼熒熒辨白公知他親炙有成功當年未見吾夫子到處逢人說直躬

富無和某生關原懷古

鞭弭相逢跡已賒中原落日送飛鴉書生休謾談兵

事笑倒風前天竺花

戰跡種胡枝為表

題畫三首

日夕下西山歸舟數聲艣紅楓不待風飛作孤蓬雨
留賓不知晚新月上書窻莫問歸來路春潮沒石缸
秋樹疎無影寒江澹不濤來帆將到岸忽與遠山高

蒙恩命賦此述懷六首

藥餌營營歲月殘
一生出處兩艱難
彼蒼特賜安身地
不作耕夫不作官
朝來寵命下山村
身著縫衣及子孫
自覺一肩難負荷
國家恩又聖人恩
儒戶雖微名分存
農工商外獨稱尊
自今佳句行應富
無復催科吏叩門
誰送微名上九天
諸公臺閣定相憐
蓬山不是塵凡路
一語無由致列仙
趨庭卻憶兩髦初
詩禮全成訓誨餘
欲報嘉慶人不

見清香一炷淚漣如

青衿遠近訪柴荆
時議謬傳善誘名
今日無人爲座主
殷勤買酒謝門生

讀搜神記八首

耿耿孤窻燈閣居
觀往昔偶繙古齊諧
迨爾亦自適
鳳管降飛仙
駕袞契幽魄
雲車來有期
泉路去無迹
吾廬何翳然
脩竹間叢柏
微月夜未生
孤螢點深碧
當此蕭寥境
聊以消今夕
昔有學仙者
訪師焦山巔
授之一木錐
云是石可穿
磐磐五尺石
矻矻半生年
一朝忽開透
遂得悟真詮

木非石之鑽石豈道之筌乃知精與信可以致神仙
孔堂開古甕中有蚪斗字仲舒修吾書鍾離發吾筭
張伯藏吾壁歷歷皆細記堪見吾先師既知百世事
漢唐崇古訓濂洛重新義斯事亦前定隨時各爲貴
如何末學徒與奪攘其臂
偉哉劉安君玄德感神鬼長吏不相知臨廷恣呵訾
神仙非可量天地隨顧指區區械杻威寧施物外士
冥譴現須臾驕守魂爲褫脫我崔嵬冠降階謝萬死
黃公赤金刀尅鱗皆垂耳不假甯成威寧煩馮婦技
張房得一符幽冥任鞭箠魑魅魍魎驅之若奴婢

天事有反覆機權難久恃俄然失神通性命委牙齒
晉時三語掾博學兼宏辭有客敲門至談論互瑕疵
機辨決河漢鬼神敢支持終捲魑魍舌卻現鬢鬢姿
鬼分以形告瞻也以理推理形交相勝孰識烏雌雄
二八誰家女嬋妍兩青娥流眄如有意宛轉送秋波
誰圖明鏡裡戴角自我我人生雙炯眼本不假琢磨
一被有情累黔白終差訛所以無心鏡可照彼邪魔
清溪曲曲轉隔岸見紅霞唯道軒軒色寧知灼灼花
窸窣穿一徑縱橫向三义炊煙浮棗柿笑語隱桑麻
世上鬪龍虎此中伴麀麇嬴劉曹司馬經歷幾年華

陶公遺世士微言欲自誇今日柴桑里還是避秦家
子玉簪簪書屋

夜竹空聽雨秋人好讀書功名君自取莫使到吾廬
卽事

剡剡田間麥盈盈麥杪露雉雉起何邊出門試閑步
有人卸笠來揖吾吾不顧對景會有思哦詩方成趣
寄言謝行人大簡且休怒紙田亦有耕吾將了吾務

關壯繆贊

大刀如月刃如霜成敗何論鐵石腸一部麟經看已
熟劉翁到底是春王

訪君逸新居詩僧五岳在坐

君居阪北我川東七折崎嶇路自通謝客勝情飛屣
外陶家詩興荷鋤中花迴籬落多殘照竹護邨墟少
峭風久矣衰翁才已盡詞筵錦段付斯公

濠村有偶人十餘其狀極古蓋巨剎遺迹也

古原秋風吹何猛原上枯草欲無影金屋華堂夢久
醒相見脈脈知夜永蓬間殘月白茫茫苔衣雖重柰
曉霜

東家二首節一

我喜高堂老康強八十齡善知天有報健笑藥無靈

處處陪鳩杖朝朝趨鯉庭秋風蘭菊發晨膳足芳馨

示某生

讀書休道開猶勝叱牛聲沮溺生今世還應事舌耕

花月琴翁像贊

淵明自祭事何新未解先期擇忌辰占得四時尤好

處冥途也作看花人

翁遺囑以三月十五日為忌辰

從吾所好卷下終

補遺

刻成讀之有遺漏有濫載濫載無妨而遺漏不可

不補也追刻二十餘首以為補遺諸先次序正編

尚有錯前後者茲校年齒改之蓋履軒生在享保壬

子年栗山少一歲拙齋又少三歲二洲又少六歲

茶山又少八歲杏坪又少十五歲慊堂又少六歲

山陽又少六歲淡窻又少三歲而長於余八歲矣

辛亥至日六十二翁用九識

嘲清人

微管仲來三千年中原幾回變左袵晉季唐季猶偏

枯宋後明後和盤獻卽今長禁攘夷學鴻儒羞誦霸
功賤羶笠窄袖類獵戶玉宸不復夢黻冕鼠尾辨髮
鬢髮下能繫四百州人心

山西園禱詩

竹芽烹初熟村醪沽未還先生興不舒先齧兩三環

江行禱詩

篙人顧我笑轉棹舟成巴低歌無答語艤舟在晴沙

題畫二首

崑頭雲龍篆多說神仙事行行從讀滅不使世人知
相迎石磯上山水弄秋晴秋晴如此好新詩成未成

其檀浦懷古而新詩下出也下卷六十四卷其

黑鼠餐牛丹水乾六龍西幸海漫漫簪纓滿地當時
怨獨有陶真曲裏彈

題西湖圖

卧游昨夜夢西湖早起偶然對此圖兩兩三三橋畔
影何橋人影夢中吾

題香題畫

吾此帖本皆川伯恭所索許伊丹雙白三壺相酬者
既而不由伯恭之手而來是可怪也昔李北海書
一字直帛一匹杜荀鶴則二匹也今我二十八字

換三壺布算計之一字直一合有奇抑亦廉矣若
以爲貴則試向風一拂當作雲煙而脫去也
吾對此君不愛言爲之枯肺病昏昏葉間玉露朝朝
釀香味能分三兩尊

壽赤崎彥禮太孺人八十榮算

三遷教得一儒臣老福果然日亦新繡口織來成彩
服紙田耕出具常珍

踵門求壽詩者不知月凡幾客苟人人厭其欲則
日出一詩亦恐不能給也故嚴定令凡壽詩必上
其筵醉其酒而後始可出也不者一切謝遣之其

法極謹雖臨以勢位不可犯也獨於彥禮義有不
可已者一自犯之後則不敢也

夫盡丁巳歲晚書懷示塾生

風雪歲云暮誰知林卧高身雖慚老懶志欲育英豪

糟粕傳吾學磋磨付爾曹行期春化遍樂意自陶陶

行窩寓目卽事

門外漲沙痕驚看茶井沒晚潮進方高恰好涵寒月

偶成

一飽清風晝夢餘乘涼索句繞庭除卻慚兒輩書堂
上環坐專攻小學書

和人雨中聞鶯作

二洲

冥冥春晝永對雨聽黃鶯應惜金衣溼不肯出花飛

題畫

數里青山只一家百年身世付煙霞微涼眠足柳陰
午徐起汲泉澆砌花

畫虎

茶山

日本無猛虎日本多武夫如使汝種生日本日本武
夫盡比誅好入丹青作席珍黃毛黑章供玩娛卻笑
頭城與尾旌時時大吼威羣胡

寄挽元齡

老來頻哭舊同盟哭至斯翁意轉驚孝友曾經蒙賞
賜詩篇況又擅才名疎梅殘雪人千古斷雁孤燈夜
幾更數日前書仍在袖疑看文力若平生

城傍曲

妖狐人立啼霜刃出於背挽入壘門中沙頭毛血在
麗龜奔鹿殪賀語一時喧呼酒肝其肉盤中血尚溫

村翁秣馬圖

歲晏輸租稅昏黃始出城歸家先飼馬積雪夜簷明

孟母斷機圖壽言倫叔母七十

七篇微旨本三遷命世兼欽母德賢機上斷絲長幾

許續來聖緒萬斯年

屏迹

杏坪

有誰尋屏迹寒樹繞茅茨栗葉未全落梅花看欲披
百錢沽獲倒一鼎煮黎祁小醉催詩句前山起雪時
賜食邑始納邑租

我本竹原樵牧人繆為侯國講書臣厚顏已誨泮宮
士黽勉復臨連縣民百斛官資分舊族一經家訓慕
亾親自今休道無錐地私邑輸租盈破困

庚辰春省行備後四郡詩以記實

行春歷四郡村村問農耕父老拜馬下慇懃說陰晴

今春頗多雨麥穗或無實餘寒退差遲秧針尖小屈

九日函山宮下溫泉與掖翁訂正爾雅二首戲集

爾雅

謙堂

遊山從郭老正遇落籬開誰築溫湯上三閒爾雅臺
大山繞為宮覆黼炊瀝泉宿宿又信信僕痛良淑鮮
訪東郊僧菴看梅山陽
槿籬竹落一村村人語稀疎鳥聲喧聞道君家個中
住有梅花處便敲門

襍詩

新尹東來舊尹還過門車馬日喧闐諸公鞅掌勤王

事成就吾儕企足眠

淡窻

淡窻

蕭瑟復蕭瑟焚香細雨中水沈煙一炷不肯出簾櫳

枕上作

曉枕多秋意蕭蕭掃葉聲追思夢中句一字未分明

題酒瓢

唯知飲中趣不入酒仙林一瓢懸在壁是我沒絃琴

附載

此編鐫成而獲履軒中井氏古風四卷襍載詩賦
銘贊自敘云用韻獨循古斷斷乎不奉休文正朔
其志尚可知矣先生名積德字處叔先人蘭友也
今讀其詩悚然有始謁亞父之想採四十餘首附
載焉

書寧靜舍壁示諸子

盈盈白露下啾啾冷風來沈沈天色淨草木淒其衰
風光如逝川情愕愛若疑諸君何為哉負笈茲相隨
既無塵慮雜又絕室家累如今不努力悠悠待何時

水流不可挽時去不可追青年能幾日白頭徒懷愧
太息長太息爲之者誰居酣歌聖所戒玩好做喪志
況敢弗顧矐豈遑提爾耳勸君青燈下他事毋歷思
言言爾藥石語語爾老師降心其玩索強聒靡用爲

孝思詩三

克孝維人百行攸基維伊稻生洵是孝思童中離鄉
裹糗尋師我考是師誘以孝弟服膺弗爽學優而仕
資事公卿順德攸比親老無養逖勞其思愾焉永歎
盍歸乎來

云旋云歸薄田二頃執彼耒耜藝茲稻梁稻梁生矣

莠稂盛矣蓬髮鶉衣帶經而耒既饑且渴子職靡墜
上堂奉親維魚暨脯酒醴是承維子暨婦左之右之
嬉嬉其娛眉壽永年靡知憂虞

厥德升聞旌典是膺大君有命錫爾十朋俾爾終養
無不克矣友朋咸喜如躬受賜幽人積德式作此詩

遙貽稻生稱賜其美以傳四方俾民興起我聞古訓

孝子不遺

稻垣子華名
隆秀美濃人

八卦鑪銘

此幽人鍊仙丹八卦鑪也何謂八卦圓形乾也
土質坤也火在下而水在上坎離之合也火熾

而鼎發雷者震火中生風窻間納風者巽錯地
而高焉良山之象也烹飪以悅人兌澤之象也
何謂仙丹幽人所需日三鍾酒一盃穀或魚或
禽弗給則代以圃毛是爐也具砂舖鐵熬銅綱
鑰鎗石鼎可以烹可以熬可以燔炙亦可以溫
酒亦可以煮茶凡所以遣憂破悶於是乎取之
皆無所待於童僕也有客亦可無客亦可三鍾
之醉陶陶然美矣不知軀之在塵世也銘曰
八卦呈象仙丹功就晝短用夜夜短用晝一日一醉
永年益壽蓬萊有仙必來誓首

讀高卧餘筆戲有此贈

石上高卧鳥喚醒隱几尋理夢中文一半黯黯不上
筆奇趣徘徊癡想間居然新著三萬言猶帶黃梁半
炊煙華胥國王聞不喜至味胡供塵世人輒漏天機
有常刑莫引漁郎探桃源

春雨

階前無一樹偏愛青苔色喜聞夜雨聲不爲飛花惜
送磯川善歸鄉
宇宙真男子曾懷其何如請君歸求之贈別無他語
有感

讀書破萬卷身上無一成雖多其何益均不知一丁
傲然誇俗士臯比坐揚揚是謂爲他人裁縫嫁衣裳
竊痛此風長惕然以自警言之若甚易踐之實匪輕
眇眇我所服日夕勞經營短褐雖不溫庶幾以自養
鷺

從軍行

寰宇始休塵復事洋海外波濤千萬里征夫何日歸
負固元有辜奪牛亦太甚可憐含生者無異刈草菅
昔聞神后伐韓王拜陳前如今百勝餘曾不見輿櫬
和好久未定君王復濟師長觀鷓蚌勢無解雞肋意
日本鬼將軍噉盡三韓民遼東止兒啼豚魚服威信
大湖歌

半生不識兮大湖面此日登臨兮湖上樓浩渺兮
浮山嶽蕩飄飄兮諸仙游大湖兮亦無別事正同兮
我之懷抱

夜溪

幽澗入不至冷冷自無塵日入萬籟息馮夷獨彈琴
班婕妤

廟廊正色士內宴召來不一自辭同輦棄扇不待秋

半坐偶成

有客立我門剥啄驚孤眠推枕起延之相看兩欣然
坐來無寒溫談笑在簡編春花當窻開好鳥隔牆聞
逕園乞鄰蔬沽酒釀客錢對酌無賓主陶然倒青樽
興盡君空去莫厭我廬貧百年只如此庶無役我心

獨興

在馬山作

行到樺樹下掃石坐泉聲無風葉自墜時聞魚子鳴

壻語婦二首

貯爾無金屋紙窻任爾補借問鮑宣妻有短布裳無
伯姒爾兄姊阿姑爾阿母我短向他說向我莫說他

西園禱詩

錄三

環舍千畝竹翠光撼几席幽齋一炷香中有獨眠客
玉女宵翱翔遺卻玳瑁簪朝來行人得尚帶雲髻沈
褱縹緲龍兒龍兒鼎中泣祗爲貞節軟甘心慘禍及

醉歌行

眇然七尺軀志業其何如浩氣凌蒼穹襟懷徒嗟跎
唯有杯中物引我就勝所醒與世情違醉與古人遇

從吾所好附載
五
往日萬三千來日復幾許中壽不滿萬孰能勞經營
安得中山酒九醉了此生

送僧知性還山

內外任爾學去來隨爾緣到頭第一著莫負男兒心
祭亾妻

十載伯鸞妻井田徒勞瘴翻將齊眉案躬奠一盂飯

題高沙翁媪圖

何來老翁媪嘗向歌臺逢裳衣何楚楚古貌靄畫中
皓髮一雙鶴聯翩映翠松侑君萬壽觴高堂頌音涌

題南極老人圖

壽不可數而錫民可導而致之老禿勿作誇嚴妙解
我既知之鳳篆一卷寶錄不踰節欲兩字

題畫

欲訪幽人居宜從此橋去山腰左一轉應有大吠處
茅屋隱煙樹試猜此中狀老嫗燃柴火且聽歸棹響
枯樹不藏鴉鴉眠亦自穩能描閑淡貌不寫爭腐心

又

南隣北隣人樸前溪後溪魚肥相問濁醪有無不妨
我往爾來

又

捐錢取魚者逸捕魚換錢者勞躬勞者心逸躬逸者
心勞勞逸各居半輸贏何處討抑壽夭殆由此而判
贏矣哉漁叟

潦倒篇

停杯且須聽我歌潦倒篇皓月臨琪樹玲瓏催人飲
況乃良朋集談鋒無堅陳主人愛敬客鱗羽簇冰盤
對此不成醉何如酬素心有萬古之月無百年之身
紅顏空已過白髮何足歎天地懸已解宇宙固自寬
適意吾輩事取娛在目前將夫千載憂留與世上人

不箕山作

霜葉赤於火隨風點溪水纈纈一條帶寬繞山腰逝

二龜

雄龜問雌龜汝壽也幾何雌龜曰萬載雌龜反問焉
亦答曰萬載二龜相顧笑美哉永哉嘗聞鶴千載其
亦可乎哉我且與汝優游乎水石之間他年求夫鶴
百世孫爲語乃祖之今

題桃源圖

喬山出壑是何處桃花流水非人間雞犬如在青霄
上洞門苔滑白雲深迷路之客何從來蓑笠羞惹世
上塵衣冠古怪驚相迎無是壽永避源人干戈始聞

兩平傾兩源已涸復一源源清流遠溢海表昇平今日二百年聽終悵然欲歎息不知桓族幾世孫

辛亥之秋馬山僑中題壁告謝

溪亭有問奇者逢迎宜限午雞白雲來去無心青山行樂有期飯後浴後醉後一筇一枕一碁

無題

幽人亦自知有狂又有狷俱入孔子冊冷笑世上愿

從吾所好附載

跋

士乾選詩尚顏唐顏唐非詩之正也遺書尤之無報
任方其廬方竹夾逕門匾瀟碧關三字榜聯有詩云
戲門詞史又品詩天賦藟苴誰可醫我有良圖自今
後書來不答客來辭余排戶而入見其枕書而眠徐
起笑曰屠狗排闥乃喚書奴斟泉淪茗意不甚拒也
談及選詩士乾曰是其所以名從吾所好予復難特
採吾子所好胡爲上梓答曰以示老頑如我者子至
我年亦當悟入顏唐之妙也余無以詰乃書卷末云
庚戌端四西肥韓介石識

與吾所好
 舟車亦常
 科吾子
 乘乘
 賦
 志
 知
 士
 士

邨嘉平刻

